

**Gahunda y'uburezi igenewe abimukira bo muri Pennsylvania**

# Ibyifashishwa mu mushinga w'impamyabumenyi

---

**Inyandiko iyobora ababyeyi bo muri Pennsylvania: Inzira igana mu  
mashuri makuru no mu mwuga**

*Ukwakira 2018 (Byavuguruwe)*



**COMMONWEALTH OF PENNSYLVANIA  
DEPARTMENT OF EDUCATION**

333 Market Street  
Harrisburg, PA 17126-0333  
[www.education.pa.gov](http://www.education.pa.gov)



**pennsylvania**  
DEPARTMENT OF EDUCATION

**Leta ya Pennsylvania**  
Tom Wolf, Guverineri

**Ishami rishinzwe uburezi**  
Pedro A. Rivera, Umunyamabanga

**Ibiro bishinzwe amashuri abanza/ayisumbuye**  
Matthew Stem, Umunyamabanga wungirije

**Ibiro bishinzwe ubufasha buhabwa amashuri**  
Sherri Smith, Umuyobozi Mukuru

**Ishami rya serivisi zigenewe abanyeshuri**  
Carmen Medina, Umuyobozi Mukuru

Ishami rya leta ya Pennsylvania rishinzwe uburezi (PDE) ntrikora ivangura muri gahunda z'uburezi rishinzwe, yaba mu bikorwa, cyangwa mu kazi, hashingiwe ku bwoko, ibara ry'uruhu, igihugu nkomoko, igitsina, igitsina umuntu akunda, ubumuga, imyaka, idini, abakurambere, amashyirahamwe ubereye umunyamuryango, igitsina kicuranga cyangwa uko ugaragara, kuba urwaye sida cyangwa uko uhagaze mu by'agakoko gatera sida, cyangwa ikindi cyiciro cyose kirengerwa n'amategeko. Itangazwa ry'iyi gahunda hakurikijwe amategeko ya leta harimo Itegeko ryerekeye imibanire y'abantu muri leta ya Pennsylvania n'amategeko y'Amerika, harimo Umutwe wa VI n'uwa VII w'Itegeko rirengera uburenganzira bw'abaturage ryo muri 1964, Umutwe wa IX w'Amavugurura mu rwego rw'uburezi yo mu 1972, icyiciro cya 504 cy'Itegeko rikumira ivangura ryo mu 1973, Itegeko rikumira ivangura rishingiye ku myaka rikorerwa mu kazi ryo mu 1967, n'Amategeko arengera Abanyamerika bafite ubumuga ryo mu 1990. Abantu bakurikira bahawe inshingano zo gukemura ibibazo bijyanye n'ingamba zo kurwanya ihohoterwa z'Ishami rishinzwe uburezi muri Pennsylvania:

**Ku bibazo bijyanye no kurwanya ihohoterwa mu kazi:**

Pennsylvania Department of Education  
Equal Employment Opportunity Representative  
Bureau of Human Resources  
Telephone: (717) 783-5446

**Ku bibazo bijyanye no kurwanya ihohoterwa mu zindi gahunda n'ibikorwa byose by'Ishami rishinzwe uburezi muri Pennsylvania:**

Pennsylvania Department of Education  
School Services Unit Director  
333 Market Street, 7th Floor, Harrisburg, PA 17126-0333  
Telephone: (717) 783-3750, Fagisi: (717) 783-6802

Ufite ikibazo kerekeye iki gitabo cyangwa andi makopi, wabimenyesha:

Pennsylvania Department of Education  
Bureau of School Support | Division of Student Services  
333 Market Street, 3rd Floor, Harrisburg, PA 17126-0333  
Telephone: (717) 783-6466, Fagisi: (717) 783-6642  
[www.education.pa.gov](http://www.education.pa.gov)

Ubusabe/ibibazo byose bijyanye n'itangazamakuru: Wabimenyesha Ibiro bishinzwe itangazamakuru no gutanga amakuru kuri (717) 783-9802.

## Ibirimo

Igice cy'ababyeyi – Inzira igana mu mashuri makuru no mu mwuga .....	4
Gushyiraho intego.....	5
Gahunda y'ababyeyi n'abanyeshuri.....	6
Kwisuzuma ku babyeyi.....	8
Itsinda ritanga ubufasha.....	9
Amanota yo mu mashuri makuru .....	13
Ibizamini n'ingamba zo gukora ibizamini .....	15
Gutegura gahunda ya nyuma y'amashuri yisumbuye .....	19
Gahunda za nyuma y'amashuri yisumbuye .....	20
Kwishyura nyuma y'amashuri yisumbuye.....	24
Inyandiko n'ibindi byifashishwa .....	27

## **Igice cy'ababyeyi – Inzira igana mu mashuri makuru no mu mwuga Igice mu nshamake**

Iki ni igice kihariye kigenewe ababyeyi n'abishingizi b'abana. Gikubiyemo bimwe bigize buri gice cy'ibice bigenewe abanyeshuri. Imiterere ibereye ababyeyi kandi irasa ku ntego. Igitabo kigomba kwigwa mu mahugurwa abiri cyangwa arenze abiri.

### **Iby'ingenzi**

- Gushyiraho intego na gahunda y'ababyeyi n'abanyeshuri
- Itsinda ritanga ubufasha
- Amanota yo mu mashuri makuru
- Ingamba zo gukora ikizamini
- Urutonde rw'ingenzura rwo gutegura gahunda ya nyuma y'amashuri yisumbuye

### **Ni gute nshobora gufasha?**

Kongera gutekereza ku mbaraga, impano, n'ibyo ukunda wahoze ubona umwana wawe afite no gutanga ibitekerezo ku buryo yabishyira mu bimuranga mu rwego rw'umwuga.

Gukora urutonde rw'inshuti eshatu cyangwa enye, bagenzi bawe, abagize umuryango, cyangwa abaturage bashobora kuvugana n'umwana wawe mu bijyanye n'umwuga yahitamo.

Baza umwana wawe ibyerekeye ibikorwa bitari mu mfashanyigisho bishobora kumufasha gukuza impano, ubumenyi, cyangwa ibyo akunda.

Shishikariza umwana wawe kuguma mu ishuri.

Mutege amatwi, wongere umutege amatwi, kandi wongere umutege amatwi!

Fasha umwana wawe kugira inzira anyuramo aho gutongana mupfa ibitekerezo mutumvikanaho.

Uzi neza ibituma umwana wawe agira umuhate—kumusekera, kumusetse, kumuhobera—iyo yarakaye cyangwa ibintu byamurenze.

## **Gushyiraho intego**

### **Ni gute nafasha umwana wanjye guhitamo umwuga?**

Nk'abantu bazi umwana neza, ababyeyi n'abishingizi b'abana bari mu mwanya wihariye kandi ufite agaciro ko gutanga ibitekerezo n'inama. Ababyeyi n'abishingizi b'abana benshi bagirira impungenge abana babo inzira y'umwuga bahitamo, nubwo baba bishimiye ko abana babo bari kuvumbura ibyo bakunda gukora mu buzima. Bityo rero, ugomba gushyiriraho intego umwana wawe.

### **Gushyiraho intego**

- **Gukora ku buryo gushyiraho intego bishishikaza ku buryo bushoboka** – Twese twifuriza ibyiza abana bacu. Igisha umwana wawe gutekereza ku bijyanye no gushyiraho no kugera ku ntego. Bimufasha gutuma we ubwe aba isoko nziza ituma agera ku ntego ze. Bimuha imbaraga zo kugenzura ibyo ageraho mu buzima bwe no kumugaragaza ku buryo akwiye.
- **Gushyiraho intego z'igihe gito n'igihe kirekire** – Gushyiraho intego bishobora kuba ari inkota y'ubugi bubiri. Intego z'igihe gito n'igihe kirekire zishobora kuba zoroheje, ari nyakuri, kandi zagerwaho. Korana n'umwana wawe kugira ngo mugabanye intego z'igihe kirekire mo intambwe zishobora kugerwaho. Urugero:
  - Intego y'igihe kirekire yo kunoza icyongereza cy'e ishobora guhindurwamo intego y'igihe gito nko kwiga amagambo atatu mashya n'icyo asobanura buri cyumweru. Bifasha mu gukora inyunguramagambo ikoresheya mu mashuri.
- **Kugaragaza imberaga n'imbaraga nke** – Gushimira umwana wawe bituruka mu kuba yagize ikintu gito ageraho, ariko intego zisobanutse zimufasha mu gukomeza kugira imbaraga n'icyizere uko agenda atera imbere kugira ngo azagere ku bintu bikomeye. Kumufasha kumenya ibyiza byo kugira intego nto, zishobora gucungwa, kandi z'igihe gito.
- **Kugaragaza ibyifashishwa biboneka ku ishuri no mu muryango mugari** – Tekereza ku byifashishwa biboneka igihe umwana wawe avuze ko atishimye, yatengushywe, kandi yagowe ku ishuri.
  - Ni iki nakora nk'umubyeyi kugira ngo mfashe umwana wanjye kurangiza amashuri yisumbuye?
  - Ninde ushobora kumfasha?
  - Ese nzi ibisabwa kugira ngo umuntu arangize amashuri yisumbuye?
  - Ni izihe mbogamizi mfite zimbuza gufasha umwana wanjye?

\*\*\*\*Isanzure maze usabe ubufasha inzobere mu byo gufasha abanyeshuri igihe utegura intego.

## Gahunda y'ababyeyi n'abanyeshuri

Imbonerahamwe ikurikira igaragaza intego z'ishuri, intego z'umwana wawe, n'intego zawe nk'umubyeyi. Nyuma yo gukora urutonde rw'intego, gushyiraho gahunda yo kubigeraho, kugaragaza niba ari intego z'igihe kirekire cyangwa gito, no kugena itariki bizagerwaho. Bigomba kuba ari cyo kintu cyiza mwatangiriraho kuganira hagati yawe n'umwana wawe.

Intego	Gutegura kugera ku ntego nihaye (ni ukuvuga amasomo cyangwa ibikorwa bikenewe)	Intego z'igihe kirekire cyangwa gito?	Itariki bizagerwaho
Ishuri			
Umunyeshuri			
Umubyeyi			

### Mfite izihe mpungenge?

Ese umwana wanywe ashobora kugera ku byo yiyemeje muri uwo mwuga?

Ese umwana wanjye afite ubuhanga n'ubumenyi bisabwa kugira ngo akore aka kazi?

Ese umwana wanjye azakomeza kuguma ku cyemezo yafashe?

Ese umwana wanjye ashobora kwifasha mu gukora aka kazi?

Ese uyu mwuga yahisemo usaba umwana wanjye kuva mu muryango mugari wacu kugira ngo ajye kwiga no gukora?

Ni ibihe yageraho mu gihe kirekire akoze aka kazi?

### **Inama zigenewe ababyeyi**

Kuvugana bikorwa “n'impande zombi.” Abanyeshuri bashobora kuzana amakuru y'agaciro bakuye ku ishuri n'ababafasha mu myigire!

Ababyeyi, harimo n'abatarageze mu mashuri makuru cyangwa koleje, bashobora gutanga inama

## **Kwisuzuma ku babyeyi**

Nk'ababyeyi, mugira uruhare rukomeye mu "itsinda ry'abategura gahunda" ry'umwana wawe. Gutangira hashyirwaho uruhare rwiza, rufasha kugira ngo wizere ko umwana wawe afite buri kintu cyose akaneye kugira ngo arangize amashuri yisumbuye. Gukorana n'umwana wawe n'ishuri kugira ngo mugaragaze intambwe zizamugeza ku kazi kaboneye cyangwa kwiga neza muri koleje amaze kubona impamyabumenyi y'amashuri yisumbuye. Koresha urutonde rw'igenzura kugira ngo umenye uko uri kugenda witwara mu bice bitandukanye:

### **Imbaraga**


- Nizera ko umwana wanjye ashoboye gukora neza mu masomo yiga.
- Nkorana n'umwana wanjye nk'aho turi itsinda, kandi ngira uruhare mu gikorwa cyo gukusanya amakuru y'ibyo umwana wanjye akaneye.
- Ndifuzza kuba urugero umwana wanjye rw'umuntu ukora cyane, wigira, kandi ufite umuhate.
- Mvugana n'umwana wanjye akenshi ku byerekeye gahunda ze zo mu minsi iri imbere, kandi nkumva ibitekerezo na gahunda ze.

### **Imbogamizi**

- Mpa mpuze mu kazi kandi buri gihe si ko mba mfite umwanya wo kuganira n'umwana wanjye.
- Umwana wanjye ni we wa mbere mu muryango wacu wihaye intego yo kujya mu mashuri yisumbuye.
- Rimwe na rimwe njya nshidikanya cyangwa simenye aho nabona ubufasha.
- Sinzi neza amasomo umwana wanjye akeneye kwiga kugira ngo ahabwe impamyabumenyi yo mu mashuri yisumbuye.
- Nzi ibishishikaza umwana wanjye n'ibyo akunda.
- Nzi gahunda zo kwiga muri koleje/umwuga arangiye amashuri yisumbuye.

### **Gutegura gahunda mbere**

- Niteguye kugira ibyo nigombwa mu rwego rw'ubukungu kugira ngo mfashe umwana wanjye kwiga neza mu ishuri.
- Mfite/nzabona aho nakura amafaranga yo gufasha umwana wanjye igihe arangiye amashuri yisumbuye kandi mfite n'uburyo bwo kuzigama.
- Nkora kugira ngo ngendere ku ngengabihe y'umuryango wacu mu gufasha ingengabihe y'amasomo y'umwana wanjye.
- Nshobora gufasha umwana wanjye mu kumuyobora kugira ngo abone cyangwa agume ku kazi.
- Mfasha umwana wanjye mu byo akunda n'intego afite mu mwuga.
- Nzi kandi niteguye gufasha umwana wanjye mu by'ingendo n'ibyo kubaho arangiye amashuri yisumbuye.



## Itsinda ritanga ubufasha

### Akamaro ko gushyiraho itsinda ry'ababyeyi ritanga ubufasha

Ni ingenzi cyane ko ababyeyi b'abimukira bamenya kandi bagasha mu by'ahazaza h'abana babo bagana ibigo bishinzwe imibereho myiza y'abaturage bibegereye, amasomero, ibigo by'imyidagaduro, n'imiryango ishingiyeye ku idini bajyamo. Bashobora gutanga ubufasha mu by'amasomo n'ibikorwa byo kwidagadura. Dore ibintu by'ingenzi byatuma ugera ku byo wifuza mu masomo. Uruhare rw'ababyeyi n'abarimu cyangwa abantu batanga ubufasha ntirusimburanwa, ahubwo uruhare rumwe rufasha kandi rukanashyigikira urundi kugira ngo hizerwe ko umwana ageze ku byo agamije. Ababyeyi bagomba kugira icyo bakora kugira ngo bitabire kandi bashyigikire ibikorwa byose abana babo bitabira kugira ngo bifashe abana babo kugera ku ntego z'igihe gito n'iz'igihe kirekire biyemeje. Ababyeyi, abarimu, n'abavugizi bakeneye kugirana imikoranire no gushyiraho ubufatanye bukomeza bugana ku ntego ihuriweho: kubona abana babo bagera ku ntego.

**Itsinda ritanga ubufasha rigenewe ababyeyi**

<b>Indimi Ubufasha</b>	<b>Ishuri</b>	<b>Ibigo bishinzwe imibereho myiza y'abaturage bya hafi</b>	<b>Amasomero</b>	<b>Ibigo by'imyidagaduro</b>	<b>Imiryango ishingiyeye ku idini</b>	<b>Abagize umuryango</b>
Amashuri yose agomba kugira ahatangirwa ubufasha mu ndimi.	Ugomba kumenyana n'abarimu bigisha abana bawe, ababajyira inama, uhagarariye abanyeshuri, n'abakozi bashinzwe iby'ubufasha.	Ni iki gitangirwa mu muryango mugari?	Ni ibihe bikorwa bigamije gutanga ubumenyi cyangwa amahugurwa bihatangirwa?	Ni ibihe bikorwa bya siporo cyangwa byo kwidagadura bihatangirwa?	Ni izihe serivisi batanga kugira ngo bafashe abana banjye?	Nshobora kwizera ugize umuryango kugira ngo amfashe mu gutuma abana banjye bashishikara binyuze mu byiciro by'amashuri bigamo.
Ni uwuhe muntu wa nyawe watanga ubwo bufasha?						

Ubufasha mu by'indimi	Ishuri	ibigo bishinzwe imibereho myiza y'abaturage bibegereye	Amasomero, ibigo by'imyidagaduro, imiryango ishingiye ku idini	Ubundi bufasha Amahuriro y'abafasha abanyeshuri mu myigire
Telefone _____ _____ rw'amahanga _____	<b>Abarimu</b> Amazina _____ _____ Telefone _____ _____ Imeyiri _____ _____	<b>Abahuzabikorwa</b> Amazina _____ _____ Telefone _____ _____ Imeyiri _____ _____	<b>Abashinzwe amasomero</b> Amazina _____ _____ Telefone _____ _____ Imeyiri _____ _____	Amazina _____ _____ Telefone _____ _____ Imeyiri _____ _____
Hakurikijwe amategeko, ishuri rya leta rigomba guha ubufasha abandi bavuga izindi ndimi. Ababyeyi bakeneye kubona abasemuzi kugira ngo bitabire inama cyangwa ibikorwa by'ishuri. Bikubiyemo inama ababyeyi bagirana n'abarimu, abajyanama, uhagarariye abanyeshuri, n'abashinzwe iby'ubufasha kw'ishuri.	<b>Umujyanama</b> Amazina _____ _____ Telefone _____ _____ Imeyiri _____ _____ <b>Umuyobozi Mukuru w'ishuri/Uhagarariye abanyeshuri</b> Amazina _____ _____ Telefone _____ _____ Imeyiri _____ _____ <b>Umukozi ushinzwe abimukira</b> Amazina _____ _____ Telefone _____ _____	<b>Abashinzwe dosiye</b> Amazina _____ _____ Telefone _____ _____ Imeyiri _____ _____ <b>Abakuriye amatsinda</b> Amazina _____ _____ Telefone _____ _____ Imeyiri _____ _____	<b>Abayobozi ba gahunda</b> Amazina _____ _____ Telefone _____ _____ Imeyiri _____ _____ Gahunda itangira ryari? _____ _____ _____ _____ _____	Amazina _____ _____ Telefone _____ _____ Imeyiri _____ _____ Amazina _____ _____ Telefone _____ _____ Imeyiri _____ _____

	Imeyiri _____ —			
--	--------------------	--	--	--

**Itsinda ritanga ubufasha rigenewe ababyeyi**

Muri Amerika, ababyeyi bahura n'abarimu, abajyanama bo ku ishuri, n'abakozi bashinzwe iby'ubufasha (nk'abakozi ba PA-MEP) kugira ngo baganire ahazaza h'abana babo.

Bika amazina n'aderesi by'umujoyana wo ku ishuri umwana wawe yigaho, iby'umwarimu wizewe, umukozi wa PA-MEP, n'ufasha umwana wawe ku ishuri ahantu horoshye kugera kugira ngo ube wabahamagara igihe ukeneye ko bakugira inama no kugufasha.

Muri Amerika, abana bashobora kutumvikana n'ababyeyi babo. Niba wowe n'umwana wawe mudashoboye gukemura ikibazo, ugusha inama umujyanama wo ku ishuri, umwarimu wizewe, cyangwa ufasha umunyeshuri ku ishuri kugira ngo igisubizo kiboneke.

Ibuka kuvugisha “itsinda ry'abategura gahunda” kugira ngo munishimire ibyagezweho!

### **Amanota yo mu mashuri makuru**

Buri shuri rigira ibisabwa bitandukanye kugira ngo ritange amanota. Dore urugero rw'ishuri ryisumbuye risanzwe ryo muri Pennsylvania. Urutonde rw'ibyo umwana wawe asabwa mu rwego rw'amasomo rusa neza n'uru ariko ukwiye kumenya ibyo ishuri risaba neza, kugira ngo umwana wawe abashe kuzaza ibisabwa byose neza kandi ku gihe. Niba utoroherwa no kubona amakuru binyuze ku rubuga rw'ishuri umwana wawe yigaho, saba gahunda yo kubonana n'umujoyanama wo ku ishuri. Umujyanama ni we muntu mwiza wo kubaza ayo makuru.

Isomo	Mu mwaka wa 3 w'amashuri yisumbuye	Mu mwaka wa 4 w'amashuri yisumbuye	Mu mwaka wa 5 w'amashuri yisumbuye	Mu mwaka wa 6 w'amashuri yisumbuye	Amanota
Icyongereza	1	1	1	1	4
Imibare	1	1	1	1	4
Ubumenyi	1	1	1	1	4
Ubumenyi bw'imibanire	1	1	1	1	4
Ururimi rw'amahanga			1	1	2
Ubumenyamuntu	1	1			2
Amasomo atari itegeko			1	1	2
Ubumenyi ku buzima n'umubiri	.5	.5	.5		1.5
Ibindi bisabwa kugira ngo uhabwe impamyabumenyi: Kwandika igitabo, amasaha y'imirimu y'inyungu rusange n'ibizamini bya Keystone				<b>Igiteranyo</b>	<b>23.5</b>

Uzuza imbonerahamwe ikurikira wifashishije ibisabwa n'ishuri ya leta umwana wawe yigaho:

Isomo	Mu mwaka wa gatatu w'amashuri yisumbuye	Mu mwaka wa kane w'amashuri yisumbuye	Mu mwaka wa gatanu w'amashuri yisumbuye	Mu mwaka wa gatandatu w'amashuri yisumbuye	Amanota
Icyongereza					
Imibare					
Siyansi					
Ubumenyi bw'imibanire					
Ururimi rw'amahanga					
Ubumenyamuntu					
Amasomo atari itegeko					
Ubumenyi ku buzima n'umubiri					
Ibindi bisabwa kugira ngo uhabwe impamyabumenyi: Kwandika igitabo, amasaha y'imirimo y'inyungu rusange n'ibizamini bya Keystone				Igiteranyo	

Niba umwana wawe afite ibibazo by'amanota, hari ibyifashishwa mu muryango mugari, ku ishuri, leta, na gahunda z'Amerika ndetse na Gahunda y'uburezi bw'ibimukira bo muri Pennsylvania. Vugana n'inzobere ifasha abanyeshuri b'abimukira ku byerekeye aho wabonera ibyifashishwa mu muryango mugari utuyemo.

#### Warubizi?

Muri Pennsylvania, abana bafite uburenganzira bwo kwigira mu mashuri ya leta ku buntu kugeza bagejeje imyaka 21 - hatitawe ku buryo by'ubwimukira bye bihagaze, ubuzima bwe bumeze, cyangwa ubumuga bwo mu mutwe cyangwa bwo ku mubiri afite.

## **Ibizamini n'ingamba zerekeye gukora ibizamini**

Imbonerahamwe iri ku rupapuro rukurikira ishyira ku rutonde ibizamini bitangwa mu rwego rw'abarangije amashuri yisumbuye/bagiye mu mwuga kandi leta itegeka ko ibizamini bikorwa, nk'ibizamini bya Keystone:

**Ikizamini gikorwa ku bushake cyo gushyirwa mu mwaka wa 5 n'uwa 6 w'amashuri yisumbuye**

<b>IBIZAMINI</b>	<b>PSAT</b> Ikizamini cy'ibanze Ikizamini cy'umwaka ukwiye koleje	<b>SAT</b> Ikizamini cy'umwaka ukwiye kwigamo	<b>ACT</b> Ikizamini cyo ibiri mu myaka ine kwigamo	<b>TOFEL</b> Ikizamini cy'icyongereza aho kiba ari ururimi rw'amahanga	<b>ASVAB</b> Ikizamini cyo kureba niba ufite ubushobozi bwo kujya mu gisirikare ku bushake
Imyaka	11	mu wa 5 no mu wa 6 w'amashuri yisumbuye	mu wa 5 no mu wa 6 w'amashuri yisumbuye	12	12
Ikiguzi cy'ikizamini	amadorali 16	amadorali 45 Nta cyo kwandika amadorali 60 Hirimo icyo kwandika	amadorali 62	amadorali 195	Nta kiguzi
Amatariki y'ikizamini	Urugaryi Itumba Impeshyi	Umuhindo Urugaryi Itumba Impeshyi	Urugaryi Itumba Impeshyi	Urugaryi Itumba	Bigenwa n'ushinzwe gushaka abajya mu gisirikare
Ibikubiye mu kizamini	Imibare Gusoma usesengura Kwandika	Gusoma Kwandika Imibare	Icyongereza Imibare Gusoma Ubumenyi	Kuvuga Kwandika Gusoma Kumva	Imibare Ubumenyi Gusoma Elegitoronike Mekanike
Icyo ikizamini kigamije	Kwitegura ibizamini bya SAT no kwifashishwa mu gutuma abanyeshuri babasha kuzuza ibisabwa kugira ngo bitabire amarushanwa ya National Merit Scholarship Competition	Gupima aho abanyeshuri bageze bitegura kujya muri koleje	Gupima aho abanyeshuri bageze bitegura kujya muri koleje	Gusuzuma ubumenyi abanyeshuri bafite mu rurimi	Kugena abujuje ibisabwa mu rwego rw'akazi / Kwinjizwa mu gisirikare

**Amasuzuma ategukwa n'amashuri**

<b>IBIZAMINI</b>	<b>PSSA</b> PA Amasuzuma ari ku rwego rwa leta	<b>KEYSTONES</b>	<b>Ikizamini cya WIDA ACCESS</b>
Imyaka	3 - 8	11	K-12
Ikiguzi cy'ikizamini	Nta kiguzi	Nta kiguzi	Nta kiguzi

Amatariki y'ikizamini	Mata	Ukubozza, Mutarama, Gicurasi	Urugaryi
Ibikubiye mu kizamini	Imibare Icyongereza - Ubumenyi bw'ururimi Ubumenyi	Ubuvinganizo Ubumenyi bw'ibinyabuzima Alijebure 1 Kwandika umwandiko mu cyongereza	Kumva Kuvuga Gusoma Kwandika
Icyo ikizamini kigamije	Gupima ibyo abanyeshuri bagezeho ku rwego rwa za leta	Isuzuma risoza amasomo ryateguriwe kureba urwego abanyeshuri bagezeho	Bigenwa n'abashyira mu byiciro abanyeshuri biga icyongereza

Hakurikiyeho inyandikorugero ya karendari ushobora gukoresha kugira ngo wandike amatariki umwana wawe azakoreraho ikizamini.

KU CYUMWERU	KU WA MBERE	KU WA KABIRI	KU WA GATATU	KU WA KANE	KU WA GATANU	KU WA GATANDATU

Kwandika ibyo uzakorana n'umwana wawe kugira ngo wizere ko batsinze neza ibizamini bazakora.

Mbere yo gukora ikizamini:

Nyuma yo gukora ikizamini:

### **Gutegura gahunda ya nyuma y'amashuri yisumbuye**

Iki cyiciro kiribanda ku ntambwe ababyeyi bagomba gutera kugira ngo bitegure abana babo nyuma y'amashuri yisumbuye. Ibyo baganira n'uko bitegura bigomba gutangira hakiri kare kandi bigashyirwamo n'abarezi, abafasha abanyeshuri mu myigire, abagize umuryango, n'inshuti bafasha benshi bashoboka.

**Ni ayahe moko y'amashuri ya nyuma y'ayisumbuye/amasomo ahura n'impano n'ibishishikaza umwana wawe?**

- Ababyeyi bagomba gutangira kuganira n'abana babo ibyerekeye amahitamo nyuma y'amashuri yisumbuye bakigera mu mwaka wa 2 cyangwa mu wa 3 w'amashuri yisumbuye.
- Buri koleje, ishuri ry'ubucuruzi, na kaminuza muri Amerika bifite ibyo bisaba kugira ngo wemererwe kubyigamo. Ababyeyi bashobora kubonera aya makuru kuri interineta cyangwa binyuze ku mujyanama wo ku ishuri cyangwa abakozi bashinzwe iby'ubufasha buhabwa abimukira.
- Ababyeyi bagomba gufasha abana babo kugira uruhare muri gahunda zibategura kujya muri koleje zihari muri buri shuri rya leta.

## Gahunda za nyuma y'amashuri yisumbuye

Ubwoko bwa koleje	Icyo ushobora kuhabonera	Ingero z'umwuga wakora	Ibibiranga
<b>Imenyerezamwuga/ Amahugurwa atangirwa mu kazi</b>	<input type="checkbox"/> Amanota azwi ku rwego rw'igihugu atangwa na Minisitari y'umurimo y'Amerika <input type="checkbox"/> Akazi kishyurwa <input type="checkbox"/> Inguzanyo yo kwiga koleje nta mwenda <input type="checkbox"/> Ubumenyi n'ubuhanga bikoreshwa mu kazi	<input type="checkbox"/> Umuhanzi wa porogaramu <input type="checkbox"/> Tekinisiye mu bya farumasi <input type="checkbox"/> Mekanike <input type="checkbox"/> Umuforomo wungirije ubifitiye impamyabushobozi <input type="checkbox"/> Umufundi <input type="checkbox"/> Ukora mu bya elegitoronike <input type="checkbox"/> Umusuderi	<input type="checkbox"/> Gukora ku muni wa mbere <input type="checkbox"/> Kwiyongera kw'umushahara <input type="checkbox"/> Umushahara mwiza ubuzima bwose
<b>Ubucuruzi/lbya tekiniki Ishuri</b>	<input type="checkbox"/> Impamyabushobozi <input type="checkbox"/> Impamyabumenyi <input type="checkbox"/> Impamyabumenyi y'imyaka ibiri	<input type="checkbox"/> Ushyira porogaramu muri mudasobwa <input type="checkbox"/> Ukora mu byo gutunganya abantu mu by'ubwiza <input type="checkbox"/> Ufasha mu by'ubuvuzi bw'amenyo <input type="checkbox"/> Mekanisiye <input type="checkbox"/> Umufasha mu by'ubuvuzi <input type="checkbox"/> Kanyamigezi	<input type="checkbox"/> Ishuri rimo abanyeshuri bake <input type="checkbox"/> Amasomo atangwa nijoro no muri wikendi <input type="checkbox"/> Kwibanda ku bumenyi bwa ngombwa mu mwuga runaka
<b>Koleje yigisha imyaka ibiri mu myaka ine</b>	<input type="checkbox"/> Impamyabushobozi <input type="checkbox"/> Impamyabumenyi <input type="checkbox"/> Impamyabumenyi y'imyaka ibiri <input type="checkbox"/> Ubushobozi bwo guhinduramo imyaka 4 ya koleje cyangwa kaminuza	<input type="checkbox"/> Umubaruramari <input type="checkbox"/> Mekanisiye w'indege <input type="checkbox"/> Umufasha mu by'amategeko <input type="checkbox"/> Ufasha abaganga <input type="checkbox"/> Ushinzwe isuku y'amenyo <input type="checkbox"/> Umuyobozi wa resitora	<input type="checkbox"/> Ishuri rimo abanyeshuri bake <input type="checkbox"/> Amasomo atangwa nijoro no muri wikendi <input type="checkbox"/> Birashoboka ko hahindurwamo imyaka 4 ya koleje cyangwa kaminuza <input type="checkbox"/> Akenshi amashuri mato aboneka mu miryango migari
<b>imyaka 4 ya koleje cyangwa kaminuza</b>	<input type="checkbox"/> Impamyabumenyi y'icyiciro cya kabiri cya kaminuza <input type="checkbox"/> Impamyabumenyi y'icyiciro cya gatatu cya kaminuza <input type="checkbox"/> Impamyabumenyi y'icyiciro cya kane cya kaminuza <input type="checkbox"/> Impamyabumenyi z'ikirenga	<input type="checkbox"/> Injiniyeri <input type="checkbox"/> Umuhanga mu gushushanya <input type="checkbox"/> Ukora muri farumasi <input type="checkbox"/> Umupilote <input type="checkbox"/> Ushinzwe imibereho myiza y'abaturage <input type="checkbox"/> Umwarimu	<input type="checkbox"/> Abenshi biga igihe cyose <input type="checkbox"/> Bashobora kwiga amasomo atandukanye <input type="checkbox"/> Akenshi baha hari amacumbi kuri kaminuza

## **Amagambo y'ibanze**

**Impamyabumenyi y'imyaka ibiri muri koleje:** Ubwoko bw'impamyabumenyi ihabwa abanyeshuri muri Amerika bize imyaka ibiri muri ine muri koleje, akenshi bayibaha bamaze kwiga imyaka ibiri.

**Impamyabumenyi y'icyiciro cya kabiri cya kaminuza:** Impamyabumenyi ihabwa abanyeshuri barangiye icyiciro cya kabiri cya kaminuza, akenshi bayihabwa nyuma y'imyaka ine bamaze kwiga muri koleje.

**Umwuga:** Akazi ukora cyangwa umwana wawe akora yarabihuguriwe.

**Koleje:** Amashuri yose wiga nyuma y'amashuri yisumbuye kugira ngo umwana wawe abone impamyabumenyi.

**Koleje zigisha imyaka ibiri:** Amakoleje atanga imyaka amasomo y'imyaka ibiri ya mbere muri ine koleje imara cyangwa gutegura abanyeshuri gukora akazi runaka.

**Impamyabumenyi:** icyo umwana wawe abona iyo yarangije koleje, yaba impamyabumenyi y'imyaka ibiri muri koleje cyangwa Impamyabumenyi y'icyiciro cya kabiri cya kaminuza.

**Koleje yigisha iby'imyuga:** Amakoleje atanga amasomo na porogaramu bijyanye n'akazi, aho wigishwa ubumenyi n'ubuhanga mu kazi kihariye.

**Kaminuza:** Ubwoko bw'ishuri butanga impamyabumenyi ndetse n'amasomo yihariye atandukanye. Kuvanirwaho amafaranga yo gusaba kwiga bihabwa abanyeshuri babikeneye, binyuze mu bajyanama b'ishuri.

## **Ibintu bitanu by'ingenzi ababyeyi bakwiye kumenya ku kwandika**

1. Kugira uruhare mu bikorwa bbyo mu muryango mugari n'iby'ishuri bituma umenya ibizakorohereza kumenya igikorwa cyo kwandika.
2. Kutagira ibyo wanditse ntibishobora gutinza igikorwa cyo gusaba.
3. Shaka umwarimu agusomere ibyo umwana wawe yanditse mbere yo kubitanga.
4. Fasha umwana wawe mu gikorwa cyo kwandika kandi mugire umwanya aho muba muri mukumva mwisanzuye.
5. Kurikirana intambwe umwana wawe ari gutera no kumubaza ibyerekeye ubundi buryo ushobora kumufashamo.

## Gutegura ibya nyuma y'amashuri yisumbuye

### Urutonde rw'igenzura rwifashishwa n'ababyeyi

#### Umwaka wa 3 w'amashuri yisumbuye

- Gutegura gahunda yo kubonana n'umujyanama w'ishuri umwana wawe yigaho maze wizere neza ko umwana wawe ari kuri gahunda ngo umeneye neza ko yiyandikishije mu masomo ngo yuzuze ibisabwa maze azabone impamyabumenyi no gutegura umwana wawe nyuma y'amashuri yisumbuye, kujya mu gisirikare, cyangwa umwuga.
- Kubaza umujyanama w'umwana wawe niba ishuri ritanga amahitamo yo kujya mu myuga mu mwaka wa 4 w'amashuri yisumbuye, igihe bimushishikaje.
- Kuganira n'umwana wawe gahunda ishoboka yo kuzigama amafaranga yo kujya muri koleje, niba utari wabikora.
- Kuvugana n'umwana wawe ibyerekeye imyuga imushishikaza (Onet.org/miproximopaso.org) – pacareers.org
- Kumenya iby'ibanze byerekeye ibiguzi, kuzigama, n'imfashanyo z'amafaranga.
- Shishikariza umwana wawe kugira ngo agire uruhare mu bikorwa bitari mu mfashanyigisho bishyigikira ibyo bakunda no kugira ubuhanga mu buzima nk'imiyoborere, kwigira, guhanga udushya, gukora nk'itsinda, gufata icyemezo, n'ubumenyi mu by'imari.

#### Umwaka wa 4 w'amashuri yisumbuye

- Guhura n'umujyanama w'ishuri umwana wawe yigaho kugira ngo wizere ko ari kuri gahunda yo kubona impamyabumenyi.
- Gukora ubushakashatsi kuri interineti no mu isomero rusange kugira ngo ubone amakuru ku masomo ya koleje/amashuri y'imyuga, amafaranga y'ishuri, n'ibiguzi, na buruse.
- Kwibutsa umwana wawe gukomeza kwiga kugira ngo yuzuze ibisabwa azabone impamyabumenyi no kongera ubumenyi.
- Gukomeza gushishikariza umwana wawe kugira uruhare mu bikorwa bitari mu mfashanyigisho cyangwa ibikorwa by'ubukorerabushake.
- Gushishikariza umwana wawe gusura amashuri koleje/amashuri y'imyuga no kwitabira porogaramu zo mu mpeshyi zo kwitegura kujya muri koleje, iyo zihari.

#### Umwaka wa 5 w'amashuri yisumbuye

- Kuvugana n'umujyanama w'ishuri umwana wawe yigaho kugira ngo wizere ko umwana wawe ari kuri gahunda yo kubona impamyabumenyi.
- Kwibutsa umwana wawe kwiyandikisha mu masomo asabwa kugira ngo azabone impamyabumenyi yo mu mashuri yisumbuye cyangwa umwuga yumva umushishikaje.
- Kwibutsa umwana wawe kwiyandikisha kugira ngo azakore ikizamini cya PSAT mu muhindo igihe bikenewe (Niba utabizi neza wabaza umujyanama mukorana.)
- Kora urutonde rw'amakoleje/amashuri y'imyuga n'amasomo bigisha bishishikaza umwana wawe.
- Gushakisha no gusigarana amakoleje/amashuri y'imyuga n'amasomo y'ibanze n'imyuga ubifatanyijemo n'umwana wawe.
- Kwibutsa umwana wawe kwiyandikisha kugira ngo azakore ibizamini bya SAT cyangwa ACT mu itumba.
- Kwibutsa umwana wawe kwitegura ibizamini bya SAT cyangwa ACT. Kuganira ku kamaro kabyo (uko amanota azabona bishobora kumugiraho ingaruka mu kujya muri koleje no kubona buruse).
- Gushishikariza umwana wawe gukomeza gushakisha no gufata icyemezo ku by'amasomo y'ibanze aziga n'imyuga azakora.
- Gukomeza gushishikariza umwana wawe gusura amakoleje/amashuri y'imyuga mu mwaka wose. Kumenya ingendo zo gusura koleje ishuri umwana wawe yigaho rishobora gutanga.
- Gukora urutonde byibuze rw'amakoleje/amashuri y'imyuga atanga amasomo ashishikaje umwana wawe.
- Kwibutsa umwana wawe kwitegura ibizamini bya SAT niba atekereza kubikora mu mwaka wa nyuma, niba bikenewe.
- Gukomeza kumenya amakuru yerekeye iby'ubufasha bw'amafaranga no kuvugana n'umujyanama kugira ngo muyobore umwana wawe. Gufasha umwana wawe gushakisha buruse ihura n'amafaranga ukeneye.


- Gushishikariza umwana wawe gutegira ibikorwa byo mu mpeshyi: ubukorerabushke, kwitabira gahunda zo mu mpeshyi, cyangwa gushakisha akazi cyangwa imenyerezamwuga rihura n'ibimushishikaje no kugira ubumenyi bufite agaciro.
- Mu mpeshyi mukwiye gusura kaminuza zishishikaje umwana wawe.

### **Umwaka wa 6 w'amashuri yisumbuye**

- Gutegura inama n'umwana wawe n'umujyanama w'ishuri umwana wawe yigaho kugira ngo wizere ko ari kuri gahunda yo kubona impamyabumenyi.
- Kugabanya urutonde rw'amakoleje/amashuri y'imyuga bishishikaje umwana wawe.
- Kwibutsa umwana wawe kuzuza no gutanga inyandiko zose zisaba kwiga muri koleje.
- Kwibutsa umwana wawe kwandika inyandiko isaba niba bikenewe no kuyiha mwarimu akayimukosorera.
- Kwibutsa umwana wawe gutanga ibyangombwa bya ngombwa byose kugira ngo ahabwe ubufasha bw'amafaranga cyangwa buruse zihari. (Gutanga ibisaba FAFSA na PHEAA. Umunsi wa mbere FAFSA ibonekeraho ni tariki ya 1 Ukwakira, studentaid.ed.gov)
- Gufasha umwana wawe gukora karendari igaragaza amatariki ya ngombwa n'amatariki ntarengwa.
- Iyo amabaruwa yanditswe n'abantu bamuzi asabwa, wibutsa umwana wawe kuyasaba byibuze ibyumweru bine mbere y'uko itariki ntarengwa y'isaba igera.
- Kwibutsa umwana wawe kwiyandikisha gukora ibizamini bya SAT cyangwa ACT, niba bikenewe.
- Gutegura gahunda yo kubonana n'umujyanama w'umwana wawe kugira ngo urebe neza ko indangamanota zo mu mashuri yisumbuye zatanzwe ku makoleje umwana wawe yasabyeho umwanya (Ugushyingo-Werurwe).
- Kwibutsa umwana wawe gukora amakopi y'ibyangombwa byose yohereje no kuvugana n'ishuri yasabyeho umwanya kugira ngo yizere neza ko bakiriye amakuru yasabwe.
- Ugomba kugereranya witonze imfashanyo y'amafaranga itangwa. Niba ukeneye ubufasha bwo kuvugana n'umujyanama wawe cyangwa abakozi ba MEP.
- Niba utarabikora, sura koleje/ishuri ry'ubucuruzi umwana wawe yahisemo mbere yo kwemera.
- Kurikirana amabaruwa umwana wawe yandikirwa amwemerera cyangwa amwangira umwanya, akenshi yoherezwa mbere ya Gicurasi.
- Reba neza ko amafaranga y'ishuri n'andi mafaranga y'umwana byishyuwe.
- Rangiza gahunda zo gushakira umwana aho aba n'iby'amafunguro.
- Tegura umwana wawe kujya ku rugendo rushimishije.

## Kwishyura nyuma y'amashuri yisumbuye

Nk'uko byagaragajwe mu mbonerahamwe, hari amoko abiri y'imfashanyo y'amafaranga: impano (inkunga na buruse) no kwifasha (inguzanyo cyangwa gukora uniga). Umwana wawe ashobora kuba abikeneye byombi. Ashobora kuba akaneye ubufasha bw'amafaranga bitewe n'inkunga ahabwa. Amabwiriza asobanurwa nyuma y'imbonerahamwe.



## Amagambo y'ibanze

**Inguzanyo itaziguye itangwa n'Amerika:** Gahunda itanga inguzanyo zifite inyungu iri hasi zigahabwa abanyeshuri barangije amashuri yisumbuyeye n'ababyeyi babo.

**Inkunga y'Amerika yitiriwe Pell:** Inkunga ya leta y'Amerika ifasha abanyeshuri bakeneye kwishyura koleje.

**Inkunga y'amafaranga:** Inkunga y'amafaranga itangwa na leta y'Amerika kugira ngo igufashe kwishyura amafaranga y'uburezi mu makoleje yemewe cyangwa amashuri y'imyuga.

**Inkunga:** Inkunga y'amafaranga, akenshi ishingiyeye ku bufasha bw'amafaranga ariko ikaba idakenewe kwishyurwa.

**Inguzanyo:** Amafaranga abanyeshuri biga muri kolje cyangwa ababyeyi babo baguza kugira ngo abafashe kwishyura koleje.

**PHEAA:** (Ikigo cyo muri Pennsylvania gifasha mu by'uburezi bwo mu mashuri yisumbuye) ishingiyeye ku bufasha bw'amafaranga.

**Inguzanyo y'ibigo byigenga:** Inguzanyo itangwa n'ibigo byigenga itangwa kugira ngo hishyurwe amafaranga akoreshwa muri koleje, hashingiwe ku buryo wagiye wishyuramo inguzanyo.

**Inguzanyo ihabwa abanyeshuri itanzwe n'ibigo byigenga:** Inguzanyo itangwa n'ikigo cyigenga itangwa kugira ngo hishyurwe amafaranga akoreshwa muri koleje, hashingiwe ku buryo wagiye wishyuramo inguzanyo.

**Buruse:** Amafaranga ahabwa abanyeshuri biga muri koleje kubera ibyo bagezeho by'indashyikirwa, ubushobozi, cyangwa amashuri bize.

**Inguzanyo yishyurirwa inyungu n'Amerika:** Hashingiwe ku bufasha bw'amafaranga. Amerika yishyura inyungu ku nguzanyo mu gihe umunyeshuri ari ku ishuri ndetse ntanishyuzwe inyungu mu mezi atandatu akimara guhabwa impamyabumenyi.

**Inguzanyo itishyurirwa inyungu n'Amerika:** Inguzanyo idashingiye ku bufasha bw'amafaranga. Umwana yishyuzwa inyungu uhereye ku gihe agujije amafaranga kugeza amaze kwishyura inguzanyo yose.


**Gukora uniga:** Akazi gatangwa binyuze muri koleje kandi kagaterwa inkunga n'Amerika kugira ngo bifashe abanyeshuri kwishyura koleje.

Ku yandi makuru yerekeye gahunda z'Amerika zo gufasha abanyeshuri, harimo amafaranga menshi ntarengwa atangwa buri mwaka n'ibipimo by'inyungu, sura [www.StudentAid.gov/parent](http://www.StudentAid.gov/parent).


### Ni ibihe byiza ku mwana wawe byo gukomeza kwiga nyuma y'amashuri yisumbuye?

Ese umwana wawe atekereza kuva mu ishuri agatangira gukora, kugira ngo ashobore gutanga umusanzu ku mafaranga umuryango wawe? Iki cyemezo gifite ingaruka zikomeye ku hazaza h'umwana wawe! Vuga ushize amanga ibyerekeye impungenge ufite uzibwire umujyanama w'umwana wawe, umwarimu wizewe, n'abakozi ba PA-MEP. Bazagufasha kureba andi mahitamo.

Imbonerahamwe (ya vuba cyane) yerekana ko hari abize amashuri menshi ari bo barushaho gukorera amafaranga menshi. Umunyeshuri urangiza amashuri yisumbuye akorera amafaranga menshi ku cyumweru kurusha umunyeshuri warangije amashuri yisumbuye ntabone impamyabumenyi, by'umwihariko ubuzima bwe bwose. Byemeza ko icyemezo cyo kuva mu mashuri yisumbuye agatangira akazi bigira ingaruka zikomeye.



### Inzira uhereye uvuye mu mashuri yisumbuye ukajya mu kazi



Hari inzira nyinshi umwana wawe yanyuramo akava mu mashuri yisumbuye akajya mu kazi. Ishobora kuba ari inzira igiye umujyho umwe cyangwa agatera intambwe zitandukanye muri iyo nzira.

### **Gusaba ku buntu inkunga y'Amerika ihabwa abanyeshuri (FAFSA)**

Ubu busabe bwa FAFSA ni ubusabe busanzwe busanzwe bwakoreshwaga mu gusaba inkunga y'amafaranga muri gahunda z'Amerika zose. Gusaba iyo nkunga ni ubuntu kandi ifishi iboneka kuri interineti. Ubusabe bwa FAFSA ni urufunguzo rutuma umwana wawe ahabwa inkunga, yiga akora, inguzanyo, ndetse na buruse.

Ababyeyi banashobora gushyiraho gahunda ya 529 College Savings Plan - Ababyeyi bashobora gutangira kuvigama amafaranga binyuze ku mukoresha wabo cyangwa ikigo cy'imari. Gahunda ya 529 ni gahunda yo kuzigama isonerwa imisoro yashyirwaho gushishikariza ibyo kuzigama kugira ngo amashuri abashe kwishyurwa. Gahunda za 529, zizwi mu mategeko nka "gahunda zo gufasha abanyeshuri kubona amafaranga y'ishuri," ziterwa inkunga na leta, ibigo bya leta, cyangwa ibigo by'amashuri kandi zahawe uburenganzira n'icyiciro cya 529 cy'itegeko ryerekeye umusoro w'imbere mu gihugu. Ushobora gukoresha gahunda ya 529 kugira ngo wishyure amafaranga y'ishuri cyane cyane mu makoleje na za kaminuza, ndetse n'amenshi mu mashuri y'imyuga. Gahunda ya 529 ya Pennsylvania yo kuzigamira koleje itanga amoko abiri yo kuzigama. Gahunda yo kuzigama ya PA 529 Guaranteed Savings Plan (GSP) ni gahunda ifite amahirwe menshi yo kudahomba ifasha kuzigama kugira ngo ukomeze kubasha kwishyura amafaranga y'ishuri agenda yiyongera. Gahunda y'ishoramari ya PA 529 Investment Plan (IP) ituma uhitamo amahitamo y'ishoramari agera kuri 16 yo muri sosiyete ya The Vanguard Group. Nta rugero ntarengwa rw'amafaranga ushobora kwinjiza, kandi buri wese yatanga imisanzu ye. Ku yandi makuru jya kuri <https://www.pa529.com>.

### **Buruse**

Buruse zibaho kuri buri bwoko bw'umunyeshuri wifuzaga kwiga muri koleje. Amwe mu moko ya buruse harimo: izihabwa abanyeshuri, abakinnyi, ubwoko bwihariye, abagore, n'abakora imirimo ifite inyungu rusange, n'izindi. Ibindi bintu bituma gusaba buruse byiharira harimo:

- Amasaha wamaze ukora imirimo y'ubukorerabushake
- Kwiyandikisha muri karabu zo ku ishuri
- Kugira igikorwa ukora ku ishuri
- Kugira icyo ukora mu muryango mugari

## Inyandiko n'ibindi byifashishwa

